

შინაური საქმეები

№ 10.

კვირა, 7 მარტი, 1910 წ.

ადრისი: შუთისი „შინაური საქმეების“ რედაქცია

ყოველკვირეული გაზეთი.

შინაური: გურია სამკუთლო ეპარხიის საძღველოების რწმუნებულთა კრება. პირველი და მეორე მოგზაურობა ღვთის მიერ განსვენებულის ეპისკოპოსისა გაბრიელისა. — მღ. ეფ. ინასარიძისა; ბატონ ბიჯათელის მკირე შენიშენის გამო. — დაჯიოთ ეპისკოპოსისა;

კეთილი მოძღვარი. — ნაცვლი შვილისა; შლითმიხეთ კიდევ. — ვანო თბიხელის; ჰიათურა. — დეკ. ი. წერეთელი ქართველებს ქართველებისავე თვალში არ ჰქონიათ ფასი. — რამპოლასი; კრწანისის ომი. — ივერიელისა წერილი რედაქციის. — გ. წერეთელისა.

ეთრნალი „შინაური საქმეები“ წლიურ ხელმომწერლებს დაურიგებს პრემიამთ შატფის თხუზულეკას „იასო ქრისტე“ საქვირველთა ისტორიისა.

ყოველკვირეულ გაზეთი

„შინაურ საქმეებს“

სელას მოწერა მიიღება რედაქციაში, ქ. ქუთაისში (საბურთალო — კახაკოვის შესახვევში № 17) და თბილისში გამომცემელთან სომხის ბაზარში.

წლიური ფასი 4 მან. ნახ წლით 2 მ. დ. 50 კ.

გაზეთი ღებულობს დასაბეჭდად ყოველგვარ განცხადებებს.

შემოწიწულება.

„შინაური საქმეების“ რედაქციამ ამ დღეებში მიიღო ივერეთის სარწმუნოებრივ-განმანათლებელ მშობის სასარგებლოდ ყოვლად საძღველოდ ლეონიდესაგან 60 მანათი; და მდგდლის გაიოზ ძამისტარაშვილისაგან 3 მანეთი. ეს ფული რედაქციამ გადასცა დანიშნულებისამებრ.

გურია სამეზრალოს ეპარხიის სამღვდელთაგან რწმუნებულთა კრება.

22 თებერვადს შესდგა დნიშნულ ეპარქიის სამღვდელთაგან კრება. კრების განსახიდეულ საგნებს, კარდა ხვეულებრივისა შედგენდა სხვა და სხვა საყურადღებო

წინადადება, მაგ. საეპარქიო საქადებო სასწავლებლის დაარსება, საღვთისმეტყველო კურსების გახსნა, სამღვდელთაგანის ზნეობა-გონებრივ განვითარება და პატრიარქისა და გავლენის ადგენა საღვთისმშობლისა და სხვ. კრებაზე სრული წესიერება და გაგონება იყო. არავითარი ადვოკატა, ერთმანეთის წინ წასრობა და ქიშპობა არ უოფილა ამ კრებაზე. მამა თავმჯდომარეც (დეკ. კალანდარიშვილი) სწორეთ თავის ადგილზე იყო. კრება გაიხსნა უოვლად სამღვდელთაგანის კლამზის ღეონიდეს შემდეგ საგულისხმიერო სიტყვით:

„მოგესალმებით ქრისტიანული სიყვარულით, ძვირფასო მამებო, და ფთხოვ ზეციერ მამას, რომ ამ თქვენს შეერთებას და თავის მოყრას შედეგად მოჰყოლოდეს ღვთის სახელის დიდება, თქვენი ბედნიერება და თქვენი სამწყსოების სულეირი წარმატება. მღვდელთა კრება ყოველთვის სასურველი და სასამოვნოა მღვდელთმთავრისათვის; ამ გვარი კრებების წყალობით მღვდელთმთავარს ეძლევა საშუალება გაითვადისწინას სარწმუნოების მდგომარეობა მის ეპარქიაში, გაიგოს უკავის, თუ დაქვეითებულია სარწმუნოების საქმე კრში, რა უწყობს ხელს სამწყსოების ქრისტიანული მოძღვრების შეგნება გავრცელებას რა აფერხებს მას, რა არის მიზეზი რომ სულეირი სიმშაღით და წყურვილით შეწყუბული კრი არ უტანება მას, ვინც სწორეთ და უტყუარათ „ზურია ცხოვრებისა,“ ვინც დიდსა და



მატარას ხმა მაღლა შესძახის, „უკეთუვისმეს სწუ-
როდეს, მოვედინ ჩემდა და ჳსვემდინ,“ და სხ
დაიდ, მღვდლები მუდამ დღე ხალხში ტრიალებენ,
განუშორებული მოწმეები არიან თავიანთი სულიერი
შვილების უოფა-ქვევისა, მათი ზნეობრივი სიაჯ-
კარვისა, მათი სარწმუნოებრივი სიკეთისა თუ
სიღუბნისა, წმიდა აღსარების დროს მღვდლებს
ხალხი ახედებს თავის გულის სიღრმეში და განა
რომ მათ მოეთხოვებთ ფართო გამოცთილებას,
განა რომ ისინი ჩხედულები უნდა იყვნენ ერის
სარწმუნოებრივ ცხოვრებაში, განა რომ მათ აუცი-
ლებლად გული უნდა უოქვამდეს სამწესოს სული—
ერად განათლებისა, განვითარებისა და წინსვლისა-
თვის!

ენაჩქაის სხვა და სხვა კუთხეებიდან ჩამოსულ
მღვდლებს თან უნდა მოჰქონდეთ ეგელაზე ზირველად
ეს ცოდნა-შეგნება თავიანთი მრევლების სარწმუ-
ნოებრივი ვითარებისა, თვითუფლამ მღვდელმა კრება-
ზე, უნდა დაუსატყოს თავის თანამოძმეებს იმდენად
ცხადი, ნამდვილი და ზირდაზირ ცხოვრებიდან
აღებული სურათი საკუთარი მრევლის სული-
ერი ვინაობისა, რომ ეგელასთვის მისხვედრი და
გასაკები გახდეს თვითუფლი მრევლის სარწმუნო-
ებრივი ცხოვრების მახვის ცემა. ეგელამ შეუცდომლად
წარმოიდგინოს ამა თუ იმ მრევლის ზნეობრივი
სისაღე ანუ სნეულება, ეგელამ ცოცხალ ფერადებში
ამოკაითხოს ამა თუ იმ მრევლის ქრისტი-
ანობა ან სარწმუნოებრივი დაცემა, სარწმუნოებრივი
უფიცობა და გათახსირება. მხოლოდ ეს ზირობაა,
რომ აცხოველებს მღვდელთა კრებას, ეს ზირობაა,
რომ აძლევს მღვდლებს კრების შრომას, ახრისა
და ღირსებას, ასეთი ზირობის შედეგია, რომ
კრებისაგან გამოტანილი დასკვნები მშვენიერ
შეშად ხვდება მღვდელმთავრის გულის კერას და
აკურგურებს მასში სარწმუნოებრივი მსურველების
მძლავრ ცეცხლს, რომლის სიციხველით თბება
სიამოვნებს და ხარობს ეგელაზე ზირველად
სამღვდელთა სწორეთ ისე, როგორც სიამოვნობს
და ხარობს ხალხში ზამთარში ტვიდამ ქეშის
ჩამომტახელი ბუხარში დონაერი ცეცხლის კახალებით.

ვია, რომ ჩვენი გონება გაკენწლილია მცირე
მორწმუნეობის ისარით, ვაი რომ ჩვენი გული
მთლათ წახვევულია სამწუთო ზრუნვის ნაცარ-
მტკვრში, თორემ დღევანდელი ჩვენი კრება და
სხვები მისი მსაკუსები, უნდა შეადგენდნენ იმ

დიდებული წამის გაშეორებას, როდესაც ქრისტიანს
საქადებულად წარგზავნილი სამოცდა ათი მოწაფე
უკან დაბრუნდენ გამარჯვებულნი და სიხარულით
აღუარეს თავის მოძღვარს: „ეფალო ეშმა-
კნაცა დაგვემორჩილებიან სახელითა შენითა,“
ქრისტიმ უბრძანა მათ: „ანა უკეთუ ხოლო
სულელებზე გამარჯვება კი ნუ გინახანთ, გინახდეთ
ის, რომ თქვენი სახელები დაიწერა ცათა შინაო.
მღვდლებთა კრებებს დიდი ალაგი უჭირავთ ეკკლესიის
ცხოვრებაში, მღვდლებთა კრებები თვალსაჩინო
ძარღვია ეკლესიური ცხოვრების სისაღისა
და დღეგრძელობისა, მღვდელთა კრებები სულია
მღვდელთ მთავრის და მღვდელთა შორის ჭეროვანი
და სათხადო ურთიერთობისა, მღვდელთა კრებები
ერთათ ერთი ხიდას სამღვდელთაობისა და ერის ერთი
შეორესთან დაახლოვებისა, ერთი შეორის გაცნობისა
და შეთვისებისა.

ამიტომაც, რომ სრული აღტაცებით ვეგებები
ხალხე ამ კრებებს.

ეს შეორეთაა, რომ ვესწრები თქვენ კრებას.
თქვენმა ზირველმა კრებამ შარზან დიდად გამახარა
და დიდად გამიმხნეა. ის გონიერი, სიმშატიური
და უოფლიაფრად დროს შესაფერა დადგენილებები,
რომლებიც გამოიტანა წარსულ წელში თქვენმა
კრებამ, თავს მოაწონებს და სახელს გაუკეთებს
თქვენზე უკეთეს ზირობებში მყოფ სამღვდელთაობასაც.
შემოდება საძმა სასამართლოებისა ერთი შეორის
გასასწორებლად, სავალდებულო გამოწერა ქართული
საკელსიო ორგანიზისი. გამოკვლევა შტატების
სოფლებში და სხვა ამ გვარები სწორეთ ვასახარელი
დადგენილებები იყო და მისხარადა კიდევ, მაგრამ
ნაადრევი გამოდგა ეს ჩემი სიხარული: დადგენილე-
ბებს არ მიეცათ განხორციელება, არავის არ
მოჰკონებია მათი ცხოვრებაში გატარება და ეს
დადგენილებები დადგენილებადვე დარჩნენ ცივისა და
სიციხველე მოკლებულ ქალაქის ფურცლებზე. ისე
გამოდის, თითქოს ღამაზი დადგენილებები
მიიღეთ მარტოოდენ დემონსტრაციის მოსახდენად,
გულის ვასარობათ, ერთი შეორის მოსახიბლად,
ეორი შეორის თვალების ასახვევად და შესაცდენად.
ანა, ზატოისხინო მამანო, სურათურ ალაგს ნუ
მიეცემთ ჩვენს ცხოვრება-მოქმედებაში ზირფრობას,
ერთი შეორის მოტუეება-გაგრეებას, მონხენება-
თვალთახვევის, თორემ სრულბით დაგვეარებას

ნიადაგი მოქმედებისა და გვერდობა ძალა მარჯონისა და მით შევიქნებით მხოლოდ უგელასკან ფეხით სათელ უგარგისობად, ერთხელ და სამუდამოდ მივიღოთ გადაუვალ წესად, რომ ჩვენი ჭო ჭოდ რჩებოდეს და არა არად,

გთხოვთ და გავაღებთ ისევე გაიხსენოთ წარსული კრების დადგენილებები და უმეტესად განახორციელოთ უმეტესად გაატაროთ ისინი თქვენს ცხოვრებაში, ნამდვილად დაინახოთ უგელას, რომ კრებებზე მოდიხართ სერიოზული საქმიანობისთვის, და არა მთავრობის უსიამოვნო მოთხოვნების ფორმალურად შესრულებისთვის.

საკუთრად დღევანდელ თქვენს კრებას ძალიან ბევრი და სერიოზული კითხვები აქვს გასარჩევი.

უმთავრეს სკანდალ თქვენის მსჯელობისა ეფელსავე ეტვის გარეშე უნდა იქნას დაარსება სამღვდელთა და საღვთისმეტყველების შესაფერი სასწავლებლისა. სასულიერო სემინარიაში კურს დამთავრებულებმა დიდი ხანა უარი სთქვეს მღვდელობაზე, დღესაც ისევე მტკიცე უარზე არიან და რადის შეიცვლება ჩვენი ცხოვრება ისე, რომ სემინარიებმა კვლად მოიწადინონ მღვდელობა, ამისი გამოცნობა არავის შეუკვიდა ცხოვრება თავისას ითხოვს, თავისუფლებიან მღვდელის ალაგები და რაკი შესაფერი კანდიდატები არ მოგვეპოვება, იძულებული ვხდებით ვაკურთხოთ ის ვინც ზირველად ითხოვს ალაგს. მართალია, დავალებული გვაქვს გამოვცადოთ ცოდნაში მღვდელთა მადიებლები, მაგრამ გამოცდას ხომ უმეტესად წინ უნდა უძღოდეს სწავლება, გამოცდა ხომ უფრო უკვე არსებული სასწავლებლის მავის გაშინჯვა უნდა იყოს და ჩვენ კი სწორეთ ეს სასწავლებელი არა გვაქვს. ჩვენში კი მღვდელთა მადიებლები ემზადებიან სხვა და სხვა ზირებთან, სხვა და სხვა ზროვანებით, სხვა და სხვა მეთოდებით, სხვა და სხვა დროს განმომავლობაში, და სხვა და სხვა ს-თვისით. თუ საქმის მიმდინარეობა არ შეეცვალა, სამღვდელთა ხალხის თვალში დაჭკარკავს უოველ გვარ მნიშვნელობას და ღირებულობას.

ამ საკანზე არა ნაკლები სარუნველია ჩვენი მხრით ის სჯულად მოვლენა, რომ როგორც თქვენ თითონ მოწმობთ სატყუოთ და წერით ჩვენი ეკლესია უოველკან დაცლიერდა, ჩვენს ეკლესიებს ხალხი აღარ ევარება, ჩვენს მღვდელთა მოქმედებას გაველენ აღარ აქვს მრევლზე.

რა თქმა უნდა, ესეთი გულ კრილობა ხალხის ეკლესიისადმი გამოწვეულია არა ერთი და ორი მიზეზის გამო. აუცილებელია, რომ ამ შენახვებაში მთავარი ალაგი უჭირავს იმ ურწმუნების ქადაგებას. რომელიც თან დაჭევა ჩვენში ხალხის მოძრაობას, მაგრამ ნუ ვუმტყუნებთ სამართლიანობას და გულ ახლილად ვაღვიაროთ რომ არც სამღვდელთა აქ უდანაშაულო.

სამწუხაროა, რომ ზოგიერთა მღვდლები თითონ აძლევენ ხალხს სარწმუნოებაზე გულგრილობის საბუთს. მაგალითად, ითვლებიან სადმითო სჯულის მასწავლებლებათ სასწავლებლებში და მოსწავლეებს კი არაფერს ასწავლიან სადმითო სჯულიდან და ამითი კვერს უვრავენ იმ უღთობის მქადაგებებს, რომლებიც ზღაპარს და სიტუტუნეს ეძახი ნ სადმითო წერილს. ზოგიერთა მღვდლები სადმითო სჯულის მასწავლებლებათ ითვლებიან მკლავებში და წლითი წლობადინ კი ერთხელაც არ მიიხედავენ სასწავლებლებისაკენ და ამითი დაურღვეველ საბუთს აძლევენ ხელში იმ ბოროტ მქადაგებებს. რომლებიც სიტყუით და წერით მქადაგებენ ქვეყანაზე სამღვდელთა უვარგისობას, სიღრუეს, ფარისევლობას, ზნეობრივ დაცემულობას და ამ გვარებს. გთხოვთ მედგრად შებრძოლოთ ამ გვარ უღირს, სახელის გამტეხ თანამომიეებს და მიიღოთ მათი საქციელის საწინააღმდეგო ზომები,

მაგრამ ეს კიდევ იქნება, იმდენად მახლობელი მიზეზი არ არის ხალხის გულგრილობის ეკლესიისადმი, რამდენადაც ის, რომ მღვდლები ერთობ გულაურილათ და დაუდევრად ასრულებენ თავიანთ მოვალეობას ეკლესიაში. ხალხი, ჩივის და ბევრი მოწმუნე მღვდელისაკანაც გამოკანია, რომ ბევრგან მღვდლები დამეს ატარებენ სმაში, ქადაგდის და ხარდის თამაშობაში, ზეპირისის ბოლებში და დილით კი გონება დაბნეული და დადლილი მიდიან ეკლესიაში წირვის შესასრულებათ, ადვილი წარმოსადგენია, რა სასოებითა და რილით, რა გამშვენებითა და აღფრთოვანებით შესრულებს უღადეს საიდუმლოებას მოელ დამის უძინარი და სმაში გართული მღვდელი! რომელ ზრახვანტისტს შეუძლიან იმდენად აუტრუოს ხალხს გული წირვაზე, როგორც ამ ჟურის მღვდლებს...? მღვდელი დუქანში ითრობა, დუქანში სჯარით მარხვას სჭამს, ეკლესიის კარების წინ გააკლებს

ხელიდან მანირისის ნამწეს. მღვდელს თავისი გარეგნობის სცხეენია, იკრუკავს თმას და წვეწვს, ხოსაზე ცქელ ანაფორას; დარ იცვამს და მრთაჯან-დისტი რაშუაშა, რომ უველა ამის გამო იგი ხალხმა შეიძულა და ასლად აღარ ეკარება მას ეკლეი სიაში?!

გთხოვთ იქონიოთ ყველა ეს სახეში და თუ მართლად გადვიოთ გულში ცხოველი სარწმუნოება, მიიღოთ ჯეროვანი ზომები, რომ ჩვენ მიერვე არ იგმობოდეს ღმერთი.

ვიდეუ თქვენდა სკულისხმა შენიშვნა

დღეს ჩვენ ეკლესიებში თითქმის უოველი მღვდელმთქმედება იწვება, გრძელდება და თავდება მხოლოდ კითხვით, კითხვა კი თუ იგი გრძელდება სათბ ან ვიდეუ მეტი, მსმენელისათვის სიმძიმე და მოსაწყენია. ამიტომ ძველადგანვე ქრისტიანეთა ეკლესიაში გამთეუბული იყო უმთავრესად გალობა; გალობამ შეაფარა ხალხს ქრისტიანობა, გალობა იზიდავდა უმთავრესად ეკლესიაში მღვდევლებს, გალობის დახმარებით გავრცელდა განსკუთრებით უოველგან ქრისტიანობა. ასეთივე კეთილი გავლენა ჰქონდა ეკლესიურ გალობას ჩვენშიც, მით უფრო, რომ ჩვენი ხალხი ბუნებით გულ კასხილია, მხიარული, ცოცხალი და მომღერალა. რამელი საქმეა, რომ ჩვენი ხალხი ასრულებდეს მას უსიმდე რომ? მკვდრის დასაფლავება ზომ უბედურებაა, მაგრამ აქაც ქართველს ვერ უღალატია თავისი ბუნებისათვის და გმინვა და უში, წუთბიერ მოთქმა-ტირილად გადაუქმნია. თავის თავად ცხადია, რომ ამ გვარი ბუნების ხალხი არა ოდეს არ შეურიგდება ეკლესიებში სდმერთო წიგნები გაურკვეველ და ძალის მთმგვრელ კილოზე საათობით გამბულ კითხვას და, თუ ეს წესი არ შეცვალეთ, ბევრიც რომ ვეცდეთ, ვერა ფერს გავხდებით, ეკლესიები უოველ თავის ცარაილება იქნებიან.

გალობაშიაც ვერ გაგვიმართლეს იმედები ვერც საშუალო და ვერც დაბალმა სასწავლებლებმა. უნდა მივმართოთ ისევე ხალხს. (საჭირთა მოკეპნით გალობის მცოდნე სოფელელები, მღვდლები, იქნებიან ესენი, დიაკონები, თუ კლესები და ვეცდეთ, რომ თვითთველ საბლადმჩინაში სამმა კაცმა მანც აუნდალებდოდ შეისწავლოს მათგან გალობა. თუ ეს მოვახერხეთ, თუ ხალხი ავამოძრავეთ, მერე სკველე-სიო გალობა ხალხსა სქმედ გადაქცევა და ჩვენი

ეკლესიებიც გათბებიან, ჩვენი ეკლესიებიც კვლავინ-დებულად აივსებიან მორწმუნე მღვდევლებით.

დახარჩენი კითხვები ჩვეულებრივი ხსიათისანი არიან და მათი განმარტებით აღარ შეგაწუხებთ.

ღმერთმა გაკურთხეთ კრება და სული წმიდა იუთს თქვენი ხელმძღვანელი მომავალ სდმერთო შრომაში.

პირველი და მეორე მოგზაურობა ღვთის მიერ განსვენებულის იმერეთის მაისკოპოზი გაბრიელისა ახალციხის მაზრაში.

პირველი მოგზაურობა ეპისკოპოზის გაბრიელისა ახალციხის მაზრაში მოხდა 1863 წელსა, ივნისში, როდესაც ეს მაზრა შედიოდა იმერეთის ეპარქიაში, როდესაც ჯერ კიდევ რკინის გზა არ არსებობდა საქართველოში. გაბრიელ ეპისკოპოზი მობძანებულა ქუთაისიდან აბასთუმნის გზით, რადგანაც სურამის გზით შორს მოუვლიდა, გადმოვლია ზეკარის მთა, არა მიხვნი მაშინდელ გზების ცუდ მდგომარეობისა ხსენებულ მთაზედ, სადაც მაშინ დიდი შიშინაობა იყო ავაზაკთაგან, მას მიეგებნენ თურმე შეიარაღებულნი ქართველნი ქალაქ ახალციხიდან, სულ ცხენოსანი. როგორც გადმომცეს, ეპისკოპოზს აბასთუმანში მოჰკლდომია ერთი ძვირფასი ცხენი დალილოზისაგან. ერთი ღამე მის მეუფებას აბასთუმანში დაუყვია. მეორე დღე საღამოთი მიბძანებულა სოფელ ვალეში, რომელიც შორავს აბასთუმანს 15 ვერსის მანძილზე, მათი მეუფება პირდაპირ ელესიის გალავანში მიბძანებულა, სადაც მას ელოდა თურმე დიდძალი ხალხი, რომელთა სიხარულს საზღვარი არა ჰქონდა, მით უმეტეს რომსოფლად არ ენახათ ეპისკოპოზი. მთელი ვალეს მცხოვრებნი: მარტომადიდებულნი, კათოლიკენი და მკჰაღიანნი ქართველნი შეგროვილან მათ მეუფებასთან, რომელიც, — მღვდლის ჩვეულებრივ დახვედრის შემდეგ დამდგარა რა ამბიონზედ ხალხი უმთხვევია ჯვარზე და ხელზე; განსაკუთრებულ სიამოვნებით მოქცევა ბავშვებსა. მათ მეუფებას ღამე გაუთენებია მღვდლის სახლში, მის

კრებულსკი გლეხებისაში მას ხლებია დეკანო-
ზი ივანე გამრეკელოვი, ერთი მღვდელი, ორი
მთავარი და სამი მგალობელი. მეორე დღეს
უწირავს ვალეში. წირვას ბევრი ხალხი დასწრე-
ბია სოფლებიდან და თვით ახალციხიდანაც
როგორც კათოლიკენი, ისე მაჰმადიანებიც.
წირვის შემდეგ და ქადაგებისა მათ მეუფებას
უსადილნია კარაპანში, სადაც ზოგიერთი გლე-
ხებისათვის ნება მიეცა მათ მეუფებას სადილი
ერთათ ექამათ. სადილის შემდეგ გადაუხდია
რა პანაშვიდი ეკლესიის გალავანში დასაფლა-
ვებულთათვის, წამოძახებულა ქ. ახალციხეში,
სადაც უწირავს. შემდეგ უწირავს საფარაში,
მუსხში, რზველის ეკლესიაში ულოცნია მწუ-
ხრი და ცისკარი და დილით ხალხით ერთად
გადაძახებულა სოფ. ქობარეთს ფეხით (სოფე-
ლი რზველი და ქობარეთი დაშორებული არიან
ერთმანეთზედ 2 ვერსზე). ქობარეთშიც სწირა,
საიდგანაც ეწვია მათი მეუფება ს. ერკოტას;
აქაც სწირა. ყოველ სოფელში, სადაც კი მი-
ბძახებულა, უქადაგნია. ერკოტელებს საჩივა-
რიც მიერთშიათ მისთვის, მღვდლები გვაწუხე-
ბენო, ბევრს გვართმევენ წეს-მოქმედების შე-
სრულებისათვის; მისი მეუფება შეკითხებია,
რასი მდგომარეობს თქვენი შეწუხება, ან რას
იხდითო: იმათ ეთქვათ, ჯვარის საწერს 3 მან.
გვახდევინებენო, დასამარხს და შვიდისას 3 მან.
და ორმოცის წირვისას 8 მანათს ერთ მიცვა-
ლებულზედაო, მათ მეუფებას ქალაღი დაე-
წერა და მიეცა ხალხისათვის: ჯვარის საწერი
2 მან., საწირავი კი 50 კაპ. მიეცითო. ერკო-
ტიდან ეწვია სოფელ ტოლოზს, მერე ზე-
დათმო. ეს, ვარძიას და შემდეგ მთელი ჯავა-
ხეთის სოფლები მოიარა. სულაველა შტატის
ეკლესიებში და ზოგან ზედ-მიწერილ ეკლესიებ-
შიც უწირავს.

მეორე მგზავრობა გაბრიელ ეპისკოპო-
ზისა მოხდა 1866 წ. შემოდგომაზე პირველად
სწვევია ახალციხეს, შემდეგ ვალეში წასულა.
აქ ახლად გახსნილი იყო ქრისტიანობის აღმა-
დგინებელ საზოგადოების სკოლა, სადაც 20 მდე
ქალი და ვაჟი სწავლობდა. მასწავლებლობდა
ახალი, მონათლული ივან ივანიჩი. გაბრიელ
ეპისკოპოზმა ინახულა სკოლა, წააკითხა ბავ

შვებს ლოცვები, დაუხედა ვგრეთვე სხვა საგ-
ნებიც. დაურიგა ბავშვებს პატარ-პატარა ვერ-
ცხლის ჯვრები, ოქროს წყალში დაფერილი.
მეორე დღეს სწირა, ამ წირვაზე ერთი მღვდე-
ლი, ალექსი ზეცგინიძე, დააჯილდოვა ბედ-
ნიკით. ჭაქედან წაბძანდა ზარზმის მონასტერში.
პირველ მობძახებზედ ახალციხეში იყო ბლა-
ლოჩინათ მღ. ანდრეევი, მეორე მობძახებზედ-
კი დეკანოზი გიორგი გამრეკელოვი. სხვა ვე-
ლარ გავიგე თუ სადა და სად დაიარა მათ მეუ-
ფებამ.

მღვდელა ეყრემ ინასარიძე.

**ბატონ გიჯითელის მცირე შანიშნის
გამო.**

1) ჩვენ ახლაც ვამბობთ, რო „შენთა
შენთაგან“ უნდა, თუ „მომხსენებელნი“ არ
შევსცვლით „მოვიხსენებთ“ აღ.. გთხოვთ
ჩვენ კნინ ნაწერს ჩაუკვირდეთ.

2) არ ვიცით, საიდან გამოგყავთ, რო
კავშირის „და“ს ხშირად ხმარება მამრებზეს;
მაგრამ ამას ალბად თავისებურ ეფექტისა და
შნოსთვის ამბობთ.

3) საღმრთო წერილში და სხვა ძველ
ნაწერებშიც „და“ ხშირად რო არის ნახმარი
ეს ჩვენ დიდიხანია ვიცით, ვიცოდით ეს
სასულიერო სემინარიაში სწავლის დროსაც;
ამის ცოდნას არავითარი სიბრძნე და გონების
სიმახვილე არ უნდა, საკმაოა წაკითხვა.
მაგრამ ახლა განვითარებულ ლიტერატურულ
ენაში მიღებულია, რაც შეიძლება, იშვიათად
ხმარებულ იქმნას კავშირი „და“. გრამატიკა
უჩვენებს, თუ სად იხმარება „და“. ამის გამო
ტოვებას ზოგიერთ ალაგას არავითარი ვნება
არ მოაქვს აზრის სწორ გამოხატვისათვის

4) თქვენ არ გინდათ ქართულმა ტექს-
ტმა უმტყუნოს ბერძნულსა და სლავიანურს,
და მაშ რატომ არ გნებათ, რომ იყოს „შენ-
თა შენთაგან“. როგორც ეს არის ბერძნულსა
და სლავიანურში?

5) რა იცით, რო დიმიტრევსკის წიგნი

შემთხვევით ჩამივარდა ხელში? ალბად, ესეც ეფექტისა და შნოსთვის არის დაწერილი.

6) ძველ ნაწერებში, იმ დროისა, როცა საქართველოში კონსტანტინეზოლელ მღვდელმთავართა კონდაკები შემოვიდა ხმარებაში და როცა საღმრთო წერილის წიგნები ხელახლად გადაითარგმნა ანუ შესწორებულ იქმნა ათონელ მნათობთა მიერ, ანუ იმის მახლობელ დროისა, — გვხვდება „ურთიერთარს“ „ურთიერთას“, „ურთიერთსა“, „ხლად“ და „ხადად“. ამ სიტყვებადან ჩვენ ნება გვაქვს ვიხმაროთ, რომელიც გვინდა. ჩვენ ვამჯობინებთ „ურთიერთსა და „ხადად“-ს, რადგან ესენი ამ დროისთვის უფრო ადვილი გასაგები არიან და ამასთანავე ქართულ ენის კანონებს არ ეწინააღმდეგებიან. თქვენ თუ არ მოგწონთ ესენი, დაგვიმტკიცეთ, რომ ისინი ქართულ ენას არ შეეფერებიან.

7) თქვენ სწერთ, „მოხედენ“ უნდა გადასწოროს „მოხედეთ“, რისთვის, არ ვიცი. ვცლ ენაში „თ“ს ადგილი როდი ჰქონდა, მაგ. მოგიტანა თქვენ, მიგცე თქვენ, გნებავს თქვენ.“ — მღვდელი ეუბნება მლოცველებს, რომ მათ მოხედონ, ყური უკდონ იმას რაც იკითხება ანუ სრულდება. აქ ბრძანებითი კილოა, მრავლობითის რიცხვის მეორე პირი. ხოლო თქვენ მიერ მოყვანილი მაგალითები ამ კილოის არ არის, ისინი არიან მოთხრობითის დახრისა, და მაშასადამე ჩვენს ნათქვამს ვერ არღვევენ. შემდეგ, ნუ თუ მართლა გგონიათ, რომ ძველ ენაში „თ“ს ადგილი არ ჰქონდა? აბა ეს რაა? „წარედით და მოი მოწაფენით ყოველნი ნათესავნი და ნათელს სცემდით და ასწავებდით (მათ 28, 19);“ „შეინანეთ და მოიქეცით, რათა აღიხოცნენ ცოდვანი თქვენნი (საქმე მოც. 3, 19);“ „შეიმოსეთ იესო ქრისტე ღმერთთა ზრახვასა ნუ ჰყოფთ გულის სათქმედ (რომ. 13, 15)“, უძლიერი იგი სარწმუნოებით შეიწყნარეთ (რომ. 14, 1,) ათონის ივერიის მონასტრის ხელნაწერში მეთერთმეტე საუკუნისაში: „მოვედით მწყობრნო მგალობელთანო, სულთა ჩვენთათვის გამოხსნა ითხოვეთ ღმერთ შემოსილნო და გვიძოდეთ ჩვენ; მეთერთმეტე საუკუნის

ხელნაწერში (№ 484): ესე უწყოდეთ; ლოცვა ყავთ; შემინდვეთ; ითხოვეთ; მეთერთმეტე საუკუნის № 626 ბრძანეთ, ლოცვა ყავთ ღმერთთა მრავალჯერ; წირვის შესმი: სიბრძნით აღმართენით ღმერთთა. ნართ ბოლოვდება ხშირად ბრძანებითის კილოის მეორე პირი მხოლოდობითის რიცხვისა მაგ. № 558 — ში: უკეთუ მოიწივნენ შენზედა განსაცდელნი, მოითმინენ, მღვიძარედ იპყრენ მამაო თვალნი; მამაო იოანე, გვითხოვენ ჩვენ; აღავსე გულნი მგალობელთა შენთანი, მამაო იოანე და წარმართენ სლვანი ღმერთო, მოხედენ მონათა შენთა. ამ შემთხვევაში ნარი ემატება ბოლოში მაშინ, როცა ზმნიდან დამოკიდებული სიტყვა მრავლობით რიცხვშია. ღმერთო, შეიწყალე მონა შენი; ღმერთო, შეიწყალენ მონანი შენნი.

8) სისწორით რომ სთქვას კაცმა, ლოცვა მოვალეობა კი არაა, არამედ პატივი სიკეთე, ბედნიერება. მოვალეობა რაღაც გარეგანი და ძალდატანებითია, ხოლო ლოცვა შინაგანი დასრულიად ნებაყოფლობითი სულიერი აქტი, მოქმედება; ანუ ლოცვა არის ერთი იმ მიუცილებელ სახეთაგანი, რომლებითაც გამოიხატება რელიგიური ცხოვრება ადამიანისა. კარგი, იყოს ლოცვა მოვალეობა, ამის თქმა ცოდვა არ იქნება, მაგრამ კაცს სხვა მოვალეობაც აქვს, მაგ. სიყვარული ღვთისადმი. ხოლო როგორ იტყვიან, ცხად ვუყოთ აღვესრულოთ სიყვარული უფალსა, თუ ცხადვით, აღვესრულოთ სიყვარული ღვთისადმი ანუ ღვთისა მიმართ? ვგონებთ, მეორე ნაირად. შემდეგ, „აღვესრულოთ ვედრება უფალსა“ სრულიად არ ხატავს იმ ურთიერთობას, იმ დამოკიდებულობას ღვთისა და კაცს შუა, რომლის აღნიშვნა თქვენ გინდათ. სიმონ, წაუკითხე ივანეს წიგნი. როცა სიმონი ჰკითხულობს წიგნს იგი კითხულობს არა თავისთვის, არამედ ივანესთვის და შეიძლება სრულიადაც არ გულისხმის მისთვის იმას, რასაც კითხულობს; იგი აქ პასიურ მდგომარეობაშია, იგი ისმენს და ითვისებს იმას, რაც იკითხება. კადე, როცა გვინდა დავამტკიცოთ, რომ ეს და ეს წარმოება და თხზვა ლექსთა სწორია ჩვენ მისთვის ხელოვნურად შექმნილი მაგალი-

თები კი არ უნდა მოვიყვანოთ, არამედ ისინი სინამდვილიდან უნდა ამოვიღოთ. მოსწავლემ რომ სთქვას, მასწავლებელს გაკვეთილი უნდა დაუშვად, ამბობთ თქვენ, მაგრამ ასე არ იტყვიან; ამბობენ: გაკვეთილი მოვამზადე, დავისწავლე. თუ ვინმე იტყის: მასწავლებელს გაკვეთილი მოუშვად, ეს შეცდომა იქნება, და უნდა გოუსწორონ. მოსწავლემ უნდა ისწავლოს არა მასწავლებლისათვის, არამედ თავისთვის, არა იმიტომ, რომ მასწავლებელს ასე ამოვინოს, არამედ იმიტომ რომ თვითონ ცოდნა შეიძინოს. დაბოლოს, დაგვიმტკიცეთ რომ მეთერთმეტე საუკუნის ხელნაწერში ნახმარი „აღვისრულოთ ვედრება ჩვენი უფლისაჲმართ ქართულ ენის კანონებს არ ეთანხმება და ჩვენ გავჩუმიდებით.

მართალია, ჩვენ სიფრთხილე გვმართებს, რომ ჩვენის უვიცობით არ ვაფუქოთ ის, რაც წინაპრებმა გადმოგვცეს. მაგრამ, ვინც გარჯილა და სხვა და სხვა ძველი ნაწერები წუკითხავს, ის დაინახავდა, რომ იმ ნაწერებში არა იშვიათია სხვადასხვაობა ენისა; ძველები, ერთი და იმავე დროისა, სხვადასხვა ნაირად აწარმოებდნენ და თხზავდნენ სიტყვებსა, რომ წერდნენ იმ კილოზე, რომლიდანაც ისინი იყვნენ. ესაა ჩვენ ამ სხვადასხვაობიდან უნდა ამოვარჩიოთ საუკეთესო სიტყვები და ფორმები და ამ შემთხვევაში უნდა ვიხელმძღვანელოთ საერთოდ ენისა, და კერძოდ ქართულ ენის კანონებითა, მოთხოვნილებებითა. შემდეგ, ჩვენ სიტყვებსა და ფორმებს ვიღებთ სწორედ იმიდგან, რაც წინაპრებმა გადმოგვცეს და ვხმარობთ იმ სიტყვებსა, იმ ფორმებსა, რომლებიც ამ დროსაც ხმარებაშია, და ნუ თუ თქვენ ამას ეძახით ენის გარყვნას? ჩვენ რო თვით ვთხზავდეთ სიტყვებსა და ფორმებს, მაშინ ღირსი ვიქნებოდით გაკაცებისა; მაგრამ ჩვენ ვემყარებით ძველ ნაწერებზე. ახლა დაგვიმტკიცეთ, რომ ჩვენ მიერ მოყვანილი სიტყვები არაა უუძველეს მწერლობაში და ახლანდელშია, რომ ისინი არ ეთანხმებიან ქართულ ენის ძირითად კანონებს, თუ გინდ უუძველესისა, და ჩვენ დამარცხებულიდ აღვიარებთ თავსა. იქნება,

თქვენ სთქვით, რომ ის ძველი ნაწერები, რომელიც ჩვენ აზრებს ხელს უწყობს, დამახინჯებულია უვიც გადამწერების მიერ; მაგრამ ესევე შეიძლება ითქვას იმ ნაწერებზედაც, რომელზედაც თქვენ ემყარებით. ამასთანავე უნდა აღვნიშნოთ, რომ ჩვენ ვხმარობთ სიტყვებს სწორეთ იმ დროის ნაწერებიდან, რომლებიც დაიწერა იმ დროს, როცა ესაა ღმარებული საღმთო წერილი გადაითარგმნა, ანუ შესწორდა ათონელ ქართველთა მიერ, ე. ი. შეათე-მეთერთმეტე საუკუნეთ.

10) რო სისწორით განვსაზღვროთ, თუ რომელი სიტყვები და ფორმები ენისა კანონიერია და ძველ ქართულ ენას ეთანხმება, ამისთვის საჭიროა ცოდნა არა მარტო საღმრთო წერილის ენისა, არამედ სხვა ძველ ნაწერებისა; განსაკუთრებით კი ორიგინალურებისა, რადგან თარგმანებში მწერალნი ნება უნებურად უცხო ენათა ზედგავლენას ემორჩილებოდნენ.

11) გვიჩვენებს, ენა შევისწავლოთ მცოდნეთაგან. გეტყობათ, თქვენ სთვლით თქვენ თავს ენის მცოდნეთ და გთხოვთ გვასწალოთ; გისმენთ დიდის სიამოვნებით. თუმცა ჯერ თქვენ და დიმიტრას მაჰიდაშვილმა ენის ცოდნა ვერ გამოიჩინეთ მხოლოდ გაიძახით: ენა არ იციან, კითხვა არ იციან, უვიცები არიან, საღმრთო წერილს ღრმად ჩაუკვირდენ ენას რყენიან და სხვა, და დადებითი კი არასფერია თქვენს შენიშვნებში.

დავითი. ეპისკოპოსი

25 თებერვალი 1910 წ.

კეთილი მოძღვარი.

(რუსულადან).

ფეფოს ტაძარში წირვა იდგა. უქმი იღე იყო და ტაძარი სავსე იყო მლოცველებითა. ეპისკოპოსი ტომოთე ასრულებდა ღვთის მსახურებას ნერონის ბრძანებით რომში საში-

ნლად სდევნიდნენ მრწამსითა ეკლესიებს, მცირე აზიაში კი ეფესელი ქრისტიანები, სადაც მათი რიცხვი ყოველ დღე იზრდებოდა, ჯერ-ჯერობით სტკებოდნენ სრული მშვიდობიანობით. ღვთის მსახურების გათავების შემდეგ მღვდელ-მთავარი ტიმოთე ავიდა კათედრაზე და დაიწყო წარმოთქმა მოძღვრებისა. ტაძარში მეფობდა სრული სიჩუმე, რომელსაც არღვევდა მხოლოდ ხმა მქადაგებლისა. უცებ კარები გაიღო და გამოჩნდა მხედართა რაზმი. გაისმა იარაღის წყარუნი და რამოდენიმე წუთის განმავლობაში ტაძარს გარს შემოერტყა ჯარის კაცები. გვარდიის აფიცერი მივიდა ეპისკოპოსთან, ჩამოიყვანა ის კათედრიდან, მისცა ხელში გრძლად დახვეული ქაღალდი და ხმამაღლა უთხრა: „იმპერატორი ნერონი გიგზავნის შენ ამ ბრძანებას, წაიკითხე!“ ტიმოთემ გახსნა ბრძანება და დაიწყო კითხვა ხმამაღლა. ნერონი უბრძანებდა მას და ამა ქალაქის ყველა ქრისტიანებს, გაეცათ რომიდან გამოქცეული ქრისტიანები, რომლებიც იმალებოდნენ ეფესოში, წინააღმდეგ შემთხვევაში ემუქრებოდა სიკვდილით დასჯას. „არა, წყნარად და მტკიცედ წარმოსთქვა ტიმოთემ რა გაათავა კითხვა.— ჩვენ არ შეგვიძლია მისი ბრძანების შესრულება.— მოახსენეთ იმპერატორს, რომ მზათ ვართ დავიხოცოთ ყველა, ვიდრე ვავსკეთ ჩვენი ძმები.— ტაძარში მყოფმა ხალხმაც ერთხმად დაიძახა:— ამინ! აფიცერი ურჩევდა ეპისკოპოსს შეეცვალა თავისი გადაწყვეტილება, რადგან ყოველი ადამიანი, ქრისტიანია ის თუ წარმართი, ვალდებული დამორჩილოს კანონს;— მაგრამ ტიმოთე იდგა შეურყეველად და არ სტეხდა თავის სიტყვას.— მე ვიცი, უპასუხა ტიმოთემ, რომ მორჩილება ჩვენი ვალია, მაგრამ ჩვენ უნდა დავემორჩილოთ მხოლოდ კანონიერ მოთხოვნებს, რომელიც არ არის წინააღმდეგი ჩვენი სინიდისისა და ქრისტეს მცნებისა, იმპერატორი კი თხოულობს ჩვენგან უპატიოსნო საქციელის ჩადენას, რაზედაც ჩვენ არ შეგვიძლია დათანხმება.“ დიდხანს ცდილობდა აფიცერი, როგორმე დაეთანხმებია ეპისკოპოსი. მაგრამ ყოველივე მისი ცდა ამაო შეიქნა.—

მაშ მე უნდა მივმართო ხასტიკ ზომებს! წამოიყვრა განრისხებულმა აფიცერმა და გასცა საშინელი ბრძანება.... ჯარის კაცებმა იშიშვლეს ხმლები, იელვა იარაღმა და დაიღვარა სისხლი ქრისტიანებისა. ყვირილი, კვნესა, ტირილი ისმოდა ტაძარში. ეპისკოპოსი იდგა იქვე; მის უკან იყო გასავალი პატარა კარები, საიდგანაც შეეძლო გაქცევა და თავის გადაჩენა.... მაგრამ ტიმოთე მღვდელმთავარი წარმოდგა წინ და სთხოვა აფიცერს, ერთ წუთს შეეჩერებია ხოცვა-ჟლეტა. აფიცერმა იფიქრა, ტიმოთე თანახმაა შესრულოს მეფის მოთხოვნისგან და უბრძანა ჯარის კაცებს შეჩერება, — ამ დროს მღვდელმთავარმა შესძახა აფიცერს: „სანამ გააფანტავდე სამწყსოს დაამარცხე ჯერ მწყემ ი!“ ღრმა სიჩუმე გაშფადა გარშემო. ყველა შეჩერებოდა ტიმოთეს, მდგომარეს უიარაღოდ გაშმაგებულ მხედართა წინ. შეძოწუნდა აფიცრის პირის სახე; უნებურათ გადაავლო მან თვალი მის წინაშე წამდგარ ტიმოთეს და მისცა, რა ნიშანი ჯარის კაცებს, ერთად მათთან, ხმის ამოუღებლივ გამოვიდა ტაძრიდან.

ლადო ნაცვლიშვილი.

მთითმინე კიდე!

მოთმინებითა თქვენითა მოიპოვეთ ხელი თქვენი (ლუკ. 21-19)

ერთ უცნობ და მივარდნილ გზაზედ მიდიოდნენ მგზავრები. ძალზე შეცივებულეებს, დასველებულეებს და დაღალულ-დაქანცულეებს გზაში დაულამდათ. სად წაფიდნენ?.. მაგრამ აგერ, შორს გამოიბეჭუტა ცეცხლმა: იფ, რა კარგია, ეხლა ფიქრი აღარ არის! მგზავრები უკანასკნელ ღონეს იკრებენ და ბნელაში ბოროტი-ბარბაციო მიდიან წინ-წინ აღერსიანი ცეცხლისკენ. მაგრამ, ცეცხლი თითქოს უცეფ გადიშლა მთის უკან, მგზავრები დაეშვნენ ხევში და ისევ შეუდგნენ აღმართს. ახლა უფრო ძალიან დაბნელდა.

ჭიათურა.

ხან ფეხი უსხლტდებოთ, ხან ფლატეში სცვი-
ვიან, სინსილა გამოეღლიათ. — არა, აღარ შემო-
ძლიან სიარული, — სთქვა ერთმა მათგანმა:
ფეხებს ველარა ვძრავ, აღარ მემორჩილებიან.

— მოითმინე კიდევ, ძმაო, — მიუგეს დანა-
რჩენებმა: როგორმე გადავრჩეთ ამ ხევსა და
მერე თბილი კერა დაგვხვდება.

გადაიარეს ტანჯვით და წვალეებითა ის
ხევი, გადადგეს სულ რამდენიმე ნაბი-
ჯი ცეცხლისკენ, და ისევ თვალწინ გაე-
შალათ დაღმართი! შიშით, და ნაღვლიანათ
ამოიოხრეს ზოგიერთებმა.

ოხ, ჩვენ ველარ შევძლებთ მეორე აღმა-
რთზე ასვლას!

მოითმინე კიდევ! მოისმა გასამხნევებელი
ხმები — და რამდენიმე ხელი მიეშველა დასუ-
სტებულებს...

ასე მეორდებოდა რამდენჯერმე. მგზავრებს
თანდითან ღონე ელეოდათ, სუსტდებოდენ
და ვარდებოდნენ სასოწარკვეთილებაში, მაგ-
რამ ცეცხლს სულ უახლოვდებოდნენ და
გასამხნევებელი ხმა შეუწყვეტლად ისმოდა:

— მოითმინე კიდევ!

აი კიდევ შემოუსხდნენ ცეცხლს! ეხლა
ბედნიერები არიან, ნეტარობენ უსაზღვროთ!
და ჩვენც განა ასეთივე მგზავრები არა ვართ
ამ ქვეყნით? განა ჩვენც დატანჯულებს
ქვეყნიური ამოებით ამ გვართვე არ გვინა-
თებს ხოლმე თბილი კერა სარწმუნოებისა და
სასოებისა? ცხოვრებაში ჩვენც ხომ ხშირათ
ასე ვვარდებით სასოწარკვეთილებაში, როდეს-
აც მივეცემით ხოლმე ექვებს და ურწმუნოე-
ბას?.. და რა იქნებოდა ჩვენ თავზე, რომ
ყაველ წუთს არ გვესმოდეს ღმობიერი ხმა
ღვთისა:

— მოითმინე კიდევ!

როკელმან დაითმინოს სრულიად იგი
სცხონდეს.

მართალია, გზა თბილ ცეცხლისკენ, ღვთის
კერისკენ, ზეციერ სასუფეველისკენ ძნელია,
მიხვეულ-მოხვეულია, დრანტე-ხევებიანია, მაგ-
რამ მაინც გაკვლეულია. ამ გზაზედ ჩვენზე
წინეთ გაიარა ქრისტემ. რათ უნდა გვიძნე-
ლდებოდეს მის უკან გაყოლა!

ვანო აძიხელი.

ვინ არ იცის, რომ ერთი უმთავრესი სა-
მრწველო ადგილია ჭიათურა მთელს საქარ-
თველოში. აქ ყოველ წელიწადს რამოდენი-
მე მილიონი მანეთი შავი ქვის ვაჭრობა ტრი-
ალობს და, როდესაც ცოტა მეტ ფასში გა-
დის ქვა, მაშინ ხომ ათეულ მილიონზე მეტი იყი-
დება. ჭიათურაში არი ყოველი რჯურის კაცი,
რწმენისა და შეძლებისა! მილიონერი და პრო-
ლეტარი, ევროპიელი, ამერიკელი, და აზიე-
ლი, ანარხისტი და ღრმად მორწმუნე მართლ-
მადიდებელი ერთი მეორეშია არეული. რაც
უნდა მცირე ფასი ქონდეს ქვეს მაინც მრავა-
ლი ხალხი მოძრაობს აქ. კვირაობით და დღე-
სასწაულ დღეებში გამართულია დიდი ბაზრო-
ბა, რაისათვის ახლო-მახლო სოფლების ეკლე-
სიები წირვა-ლოცვის დროს ცარიელია. აქ
არი მრწველთა საბჭო, თუმცა კანცელარია
და მისი მწვერები ქუთაისში ბინადრობენ.
ჭიათურას არ აკლია სასწავლებლები: სამოქა-
ლაქო, ქალთა პროგენაზია და სხვა. —

მაგრამ, მაგარი ის არი, რომ სადაც ამო-
დენა ფული ტრიალებს, ამოდენა ხალხი ცხოვ-
რობს სხვა და სხვა რწმენისა შეძლებისა და
ეროვნებისა. საბჭოს დიდი შემოსავალი აქ,
არ არის ეკლესია, თუმცა თუ საღმეა საკირო
ეკლესია, სწორეთ ჭიათურაშია. რისთვის? მის-
თვის, რომ, როგორც ზევით ვსთქვით, აქ იმო-
დენა ხალხი ფუსფუსებს, სხვა და სხვა რწმე-
ნასა და მიმართულებისა, რომ აქედამ ურწმუ-
ნობა, და ეკლესიის და მისთა მსახურთა აბუ-
ჩად აგდება და სხვა ამისთანაები არი თუ აქაურ
მუშა ხალხში, არამედ სოფლებშიდაც ადვი-
ლათ გადადის ეს სენი. აგრეთვე სოფლები-
დამ მრავალი ხალხი იყრის თავს უქმე — დღე-
სასწაულებში და, რომ ეკლესია იყოს აქ, მორ-
წმუნე კაცი შვეა და წირვა-ლოცვას მოისმენს.
რამოდენი დრო გადის იმდენი ხალხი ეკლესიე-
ებში აქეთკენ ნაკლებათ დაიარება, მაგრამ ეს
ურწმუნოებით კი არ მოდის მას, არამედ ექვს
დღეს მუშაობს, მეშვიდეს კი მიდის ბაზარში,
თან მაიქ ცოტა რამ ოჯახის ნაწარმოებში გა-

საყიდათ, რომ გადასახადი გაისტუმროს და ოჯახის მოთხოვნილებაც დაიკმაყოფილოს. როდესაც საყვედურს ეტყვი, სწორეთ ზეით მოყვანილი მიზეზით იმართლებს თავს. ამიტომაც ქიათურაში, რომ ეკლესია იყოს, მრავალი მორწმუნე კაცი დაიკმაყოფილებდა სულიერ მოთხოვნილებას.

1893, თუ 94, წ. პერევისის ეკლესიის საკურთხათ მობრძანდა განსვენებული ყოვლად სამღვდლო გაბრიელ ეპისკოპოსი. ქიათურის საღვურზე მას აუარებელი ხალხი დახვდა. გადმოხტა თუ არა ვაგონიდან, მოითხოვა სკამი, მიართვეს ტაბერეტკა. შედგა ზედ და დაიწყო ღმობიერი კილოთი ქადაგება, ხალხი სმენად გადაიქცა. სხვათაშორის სთქვა: „ჩვენი ქვეყანა მდიდარია სხვა და სხვა მადნეულობით, მაგრამ თქვენ კუთხეს, ამ შავი ქვის მდიდარ მხარეს, უწინ ხვდა შემუშავება. აქ ღდეს არა, ხვალ მაინც დიდი ვაჭრობა დატრიალდება. მრავალი მუშახალხი მოიყრის თავს. აქ გაჩნდებიან დიდი კაპიტალისტები. ღმერთს თქვენთვის მიწის გული თავის სიმდიდრით გადაუშლია და მოიხმარეთ თქვენი კეთილდღეობისა და სულის საცხონებელათ, მაგრამ ყველი ამავებთან საჭიროა კეთილი ზნეობა და სარწმუნოების მტკიცედ დაცვა. რაც დიდი შეძლება ან სწავლა უნდა ქონდეს კაცს, თუ მას კეთილი ზნეობა არ ახლავს თან, ყოლიფერი ფუქია. ხალხში კეთილზნეობისა და სარწმუნოების განსამტკიცებელათ კი საჭიროა ღვთის ტაძარი ანუ ეკლესია. თქვენ ეკლესია არა გაქვთ და გთხოვთ იზრუნოთ მისი აშენებისათვის“. გაათავა თუ არა ქადაგება, აკურთხა ხალხი და ხელზე იმთხვია. ცოტა შესვენების შემდეგ საზოგადოებამ მოიყარა თავი და ხელათ აირჩია კომიტეტის მწევრები, რომელზედაც განაჩენი მოართვეს ყოვლად სამღვდლოს. მან, მგონია, თავის მხრით მოუმატა ორი მღვდელი კომიტეტს. გაჩაღდა საქმე, დაიწყეს წიგნით ფულის შეგროვება და ცოტაც არ შეუგროვებიათ, მაგრამ ღდესაც არაფერ იცის ეს ფული სად არი, ვინ წაიღო. საბჭომაც მიიღო მონაწილეობა ეკლესიის აშენებაში. ცოტა ხნის შემდეგ გადიცვალა გაბრიელი და ეკლესიის შე-

ნებაც შეჩერდა. მაგრამ იმერეთის კათედრაზე ყოვლად სამღვდლო ღეონიდე დანიშნეს; მან დიდი ყურადღება მიაქცია ამ საქმეს. შეადგინა ეკლესიის გეგმა საბჭოს ინჟინერმა მიხაილოვმა. დაიწყეს ეკლესიის ბალავერი ტკოლოდგმა ამოიყვანეს, რომლის ამოშენებას დიდფული დაქირდა, (დაქირდებოდა 'რასაკვირველია. ამბობენ, რომ 50 ცარიელი ბოქკა ცემენტი საბსეთ ბოქკებათ შიითვალეს თურმე და გასაგალში გაწერეს). ეს ამოფენა ფული და ჯაფა ტყუილათ დაიღუპა შეჩერდა და ეკლესიის შენება და ღდესაც გაჩერებულია.

რატომ არ აშენდა აქნამდი ქიათურაში ეკლესია? აი რატომ ჯერ დაწყებისათანავე ერთი მღვდელი შექრუთისკენ წყვედა ქიათურას და მეორეც მონასტრისკენ, ხოლო ამ ბოლო ხანსაც სხვა-ორი კონკურენტი მღვდელი, ერთიც თავისთვის იჩემებს და მეორეც ბოლოს ქიათურას. ამისთვის გაჩაღა პარტიობა და პარტიათა ბრძოლა, მით უმეტეს ჩვენ დროში, ამ აღჩვევითი წესის შემდეგ აღვილია პარტიის შოვნა: მოისყიდე ერთი ორი კაცი კარგად გამოაძღე პარტიის კაცები და ვინც უნდა იყო არ დაგიყვენ, საქმე შენია. მაგალითები აქეთ ბევრი მოხდა: ბევრში, კორბოულიში და სხვაგან. აგრეთვე საბჭოს მწევრებიც გულგრილათ ეკიდებიან ეკლესიის. აშენებას და ზოგიერთი მათგანი არც კი თვლის საჭიროდ ქიათურაში ეკლესიის, რადგან მათის აზრით იგი ხალხში ვითომდა მონობას ქადაგებდეს. ჩვენ დარწმუნებული ვართ, რომ, თუ ენერგიულათ მოეკიდა კაცი, ქიათურაში მალე აშენდება ეკლესია, რომელიც დიდი საჭიროც არი. ამას წინეთ აქ მზრუნველმა ჩაიარა და, რომ შეიტყო რომ ქიათურაში ეკლესია არ არიო ბრძანა სამა ქალაქო სასწავლებლის შენობაში მოეწყოთ ეკლესია, რომელიც მყისვე იქმნა აღსრულებული.

იმედია, რომ ყოვლად სამღვდლო გიორგიც მიაქცევს ყურადღებას ქიათურაში ეკლესიის აშენებას და, როგორც გვითხრეს კიდევ მიუქცევია ყურადღება მას მუუფებას.

დეკ. იოსებ წერეთელი.

**ქართველოვს ქართველობისავე თვალ-
ში არა ჰქონია ფასი!**

ამ წლის 5 თებერვალს შესრულდა წელიწადი დღედან პეტრე ეპისკოპოსის გადაცვალებისა. მოსალოდნელი იყო, რომ ამ დღეს საჯაროდ შეასრულებდნენ წლის თავის წირვას და გადაიხდიდნენ პანაშვიდს. თუ ჩვენ ინტელიგენტებს, რომელიც თავს ვერ მოიწონებენ თვისის მიდრეკილებითა ღვთის მსახურებისადმი, წესად აქვთ გადაიხადონ დიდის ამბით საქვეყნოდ წირვა და პანაშვიდი პატივსაცემლად ამა თუ იმ განსვენებულ საზოგადო მოღვაწისა, მით უფრო თფილისის სამღვდლოებსა პატივი უნდა ეცა განსვენებულ პეტრე ეპისკოპოსისთვის, რომელიც თვისის იშვიათის სათნოიანი და სუფთა ცხოვრებისთვის და სამშობლოსადმი სიყვარულისა და არა მცირე ღვაწლისათვის, ღირსი იყო პატივისცემისა. გარდა მზურნველი არავინ გამოჩნდა. დარწმუნებული ვართ, პეტრე ეპისკოპოსი რუსი რო ყოფილიყო, მაშინ ეს არ მოხდებოდა. მაშინ ჩვენი წარჩინებული დეკანოზები ერთი მეორეს დაასწრებდნენ თქმას ეგზარხოსისთვის (როგორც ეს ჩვეულებრივ ხდება), რომ ამა და, ამ დღეს არის წლისთავიო და მთელ სამღვდლოებსა ტაძარში თავს მოუყრიდნენ. განსვენებულის შესამოსლები და იმის მიერ გამოცემული წიგნები ხელთ ჩაიგდეს, და პანაშვიდის გადახდა კი დეაზარათ!

ეს მოვლენა დიდად საგულისხმეოა, ეს შემთხვევა ბევრ რასმეუბნება ჩაკვირებულ აღამიანს, ეუბნება არა სასიამოვნოს, სმაწუხაროს. ჩვენი იტნელიგენცია, ჩვენი ერი რომ ვარგოდეს, მაშინ ჩვენს ცხოვრებაში ამისთანა ფაქტებს აღგილი, არ ექნებოდა, მაგრამ, სძინავს ვრს, და სულიერნი მამანი ტკბილად განისვენებენ ჩვენს ხალხს თვითცნობიერებაშეგნება რომ ჰქონდეს, მაშინ იგი სამღვდლოებსა ზემო, აღნიშნულ დაუდევრობისთვის პასუხს მოთხოვდა და ბევრ დიდ დეკანოზებს ტახტებიდან გადმოაბძანებდა. მაგრამ ახლა ნეტა ამათ; ფეხები მაგრად აქვთ გადგმული; ჯილდო არ აკლიათ, ფულიც ბლომათ აქვთ. რაც გინდათ

უწერეთ, რამდენიც გინდათ ჰკიცხეთ, ყურსაც არ გაიბერტყენ. რა უნდა დააკლოთ? გვითქვამს და კიდევ ვიტყვიო, თუ ჩვენმა ერმა ეკლესიას არ მიხედა და მოძღვრებს მუჯღუღუნები არ წაკრა (მხილება არ დაუწყა), ისე ეკლესია მოისპობა. ქართველო! აღსდექ, ნუ გძინავს, თვალ მიაპყარ ქრისტესა, გულითა მას შეუერთდი და ხელი მიჰყავ ეკლესიის განახლებასა, აღორძინებასა..

რამპოლლა.

**შუროთიანი სა-
ლი ინგლისში.**

უელსის საგრაფოში აგერ რამდენიმე დღეა, რაც ერთ სახლს სწვევიან სულეები. ეს სახლი დგას ერთ პატარა სოფლის ახლოს და გარშემორტყმულია ხშირი ტყით.

საიღუმლო სტუმარნი თავზარს სცემენ მშვიდობიან მცხოვრებლებს. სახლი, რომელიც სულეებმა აირჩიეს თავიანთ გამოცხადებისათვის, წარმოადგენს სასტუმროს, ანუ სამიკიტნოს, რომელშიდაც მეეტლეები ითევდენ ხოლმე ღამეს და ეხლა სრულებით დაცარიელებულია. გლენები ისე არ გადუვლიან ნაძრახ სახლს, რომ პირჯვარი არ გამოისახონ, და უმეტეს ნაწილად გვერდს უხვევენ და ერიდებიან აქ გავლას,

სულეებმა თავის არსებობა ამ სახლში განაცხადეს შემდეგი ფანტასტიური მოვლენებით.

ერთხელ როგორღაც აღიონზესამიკიტნოს პატრონი ქალი, ქნი შერეჟატი, სამზარეულოში შევიდა. მის განცვიფრებას და შიშს საზღვარი აღარ ჰქონდა, როცა დაინახა, რომ ბლუდებმა და თევშებმა ჰაერში მის გარშემო ტრიალი იწყეს. მან მოინდომა მათი დაქერა, მაგ-

რამ ჭურჭელი ხელიდგან უსხლტებოდა. ამავე დროს სამზარეულოს ყველა კუთხიდან მას დააცვინდა წვრილი ქვიშა, რომელიც უფრო ცხვირს და პირში ხვდებოდა. საცოდავი ქალი იძულებული შეიქნა გაქცეულიყო და თავისთვის ეშველა. მის ყვირილზე გამვლელ გამომვლელმა თავი მოიყარა და გადასწყვიტეს, რომ იგი ბოდავს; მაგრამ მოვლენები რამდენჯერმე განმეორდენ სოფლის მღვდლისა და მუნიციპალიტეტის წევრების წინაშეც. გაზეთ „Daily News“-ს მოჰყავს სოფლის სახელი Hauaztlney და დასძენს, რომ გარდა მღვდლისა და მის თანაშემწისა, ამ გასაოცარ მოვლენათა მოწმენი და მაყურებელნი იყვნენ კიდევ: პოლიციის ჩინოვნიკი, მისი ცოლი, მისი ცოლისდა და რამდენიმე ფოტის მოსამსახურენი. ამას გარდა სახლში გაისმის ფეხის ხმა კიბეზე და ზედა ოთახებში, თუმცა სახლი ცალიერია და შიგ არავინ ცხოვრობს.

იმ დროს, როც პოლიციელი დაეხარა, ლოგინ-ქვეშ შესახედავთ, ბუხარს მოსწყდა დიდი შავი ქვა, რომელიც მის მორთულობას შეადგენდა, და დაგორდა იატაკზე, და გადმოვარდნის დროს კინალამ თავში დაეცა პოლიციელს — (*Wessaqez*) Жир. „Речуць“.

თარგმანი პ. ლავროვისა.

პრინციპის ომი.

I

კახეთის გმირი რჩეულის ჯარით ქართლისკენ მშვიდათ მიბრძანდებოდა; მტერთა დამლეწი, ლალი, მხლებლებთან მამაშვილურად მუსაიფობდა. ვაკე ქალებზე გაელისას იგი ყაბახს მართავდა მკლავის საცდელად, ათამაშებდა თავის მხედრობას

და თვით უმზერდა მამად აღმზრდელად; და თუ ხანდახან ყაბარზე ნიშანს მხლებლები რიგით ვერ აიღებდა, მოხუცი მეფე ჩაერეოდა და ყველას მჯობნი მკლა ით და თვლით უძლურებასა არ დაიჩნევდა...

მოხუცებისას ლალობს, ნებიერობს, რომ აღარა ჰყავს მოსისხლე მტრები, დაიმორჩილა ყველა ესენი და პატივს სცემენ როგორც მოყვრები... ცალკე გასულნი ლიხ-იმერლები თავის სამეფოს შემოაუერთა, ქარ-ბელაქანის დამორჩილებით საბრძანებელი სულ გაიერთა...

არ აწუხებდა მას სხვისი მტრობა, შინც ვერ ხედავდა განხეთქილებას; დიდის ხნის ბრძოლით დაღლილი მეფე ან კი ფიქრობდა ჟამთ-კეთილობას... და ამ გრძნობებით გატაცებული სიყვარულით მზერს გორში თვის მხლებლებს,

მეტის გრძნობებით სულში იძვრენს შათ და საყვარელთ ყმათ ეტყვის ამ სიტყვებს: „ჩემი მეფობის უკეთესი დრო წაილო მტრებთან სასტიკმა ომმა, ვერ მოვიცალე სხვა საქმისათვის, ძნელი ყოფილა დღე მუდამ ბრძოლა!|. მტერთ დამთურგენელი ამიერიდგან შინაურ საქმეს შევსწირავ ძალას, ჩემი სამეფოს აღორძინება

შეადგენს ჩემს აზრს და ჩემს განძრახვას... გარეშე მტრისგან მოსვენებული ივერ სამეფოს მივსცემ სიმტკიცეს, რომ იმის მეფეს და იმის გვირგვინს სხვათ მეფეთ შორის ადგილი ექნეს...

ერთხელ ჩამქრალი მტერთა სიავით სწავლის ლამპარი კვლავ აინთება და დიდებული ესე სამეფო ძველებურად კვლავ აღორძინდება; ჩვენი შვილი და შთამომავლობა მოესწრებიან სასურველს ბოლოს... შერცხვენა იმ კაცს, ზიზღი იმ ქართველს ვინც უღალატოს თავის სამშობლოს!|..“

„ამინ“, შესძახა მეფეს მხლებლებმა, დღევრძელი იყოს შენი სიოცხლე,

მტერი, რა მტერი! მამად მზრუნველად
როცა გვყავს ჩვენი მეფე ერეკლე!!

II.

ქალაქი გორა ძვირფას წვეულებს
მასპინძლობს მხიარულია;
ხმა და პურობა, მრავალჯამიერ
სულ ერთმანერთში არეულია.
და იმათ მეფურს სმას და მოლხენას
თითქო ბუნებაც თანაუგრძობდა:
ზაფხულის ღამეს გრილი ზეფირი
ნელად მიდამოს დათამაშობდა.
ეს მოქედილსა ვარსკვლავებითა
საესე მთოვარე მკრთალს ნათელს ჰფენდა,
მთა-ველს ტოროლა, ბულბული, შაშვი
ტკბილის გალობით დალილინებდა,
და განთიადი ვერცხლის ფერს ცვარებს
მარგალიტებად მიმოაფრქვევდა,
თითქოს უღრენდა ცვარიც წვეულებს
მზის სხივზე ტურფად დაციმციმებდა.
ამ სანეტარო ღზინს და მეჯლისში
სიამოვნებდა მეფის სახლობა,
ეტყობა ღმერთსაც უკურთხებია,
მათი ღზინი და მათი გალობა...
ბატონი მეფის სულის კვეთებას
არ აქვს საზღვარი, დამშვიდდა გული!
გაერთიანდა ქართველთ სამეფო
და რას დააკლებს სპარსი უძღური?!.
ამ დროს მოვიდა ამბავი ძნელი:
შეჩერდა ღზინი ერთბაშად დიდხანს:-
ლაშქრით წამოსვლა საქართველოზე
შემოუთვლია აღამამად ხანს.
არ მოეწონა მეფეს ამბავი
არ დასაჯერი, გულის გამგმირი
და სულ სხვა ფიქრს და სხვა საგონებელს
მიეცა მაშინ კახეთის გმირი.

III.

მეფის სასახლე სდუმს და მღუმარებს,
დარბაზი უხმო, ცალიერია;
ძილად მისულა ყველა ცხოველი,
იქნებ ლოცულობს საღმე ბერია.-
ზეცას ავედრებს ცოდვილ ქვეყანას...

მხოლოდ ლოცვაში ის ათევს ღამეს...
ცა მოქედილი ვარსკვლავებითა
ზე დანათიდა თბილისის არეს.
და მიუწვდენელს თვალთ სიერცეში
ამოეშუქა მკრთალად მთოვარეს.
მხოლოდ ის ერთი თანაუგრძობდა
ბატონს მეფესა სულით მღელვარეს...
საერთო ღუმლის და მყუდროებას
არღვევდა მხოლოდ დუდუნი მტკვრისა,-
ამ დუდუნის ხმას ყურს უგდებს მეფე
თითქოს ის იყოს ხმა მეგობრისა!
სულით ღელვილი მყუდრო ღუმელში
განიზრახვიდა მეფე ეული:
არ იქნა ველარც მოხუცების დროს
ვერ დავიმშვიდე ეს მტკიცე გული...
...ხნით დამაშვრალი, მუდამ მეტრძოლი
ფიქრობდი ბოლოს მოსვენებასა,
სამშვიდობო დროს ვუქადიდი ყმათ
და ჩემთან ერთად შვებას, ღზენასა;
მაგრამ დახე ბედს?!-ესეც შურს ჩემთვის!!
სპარსელთ სიავე ამხედრებულა
საქართველოზედ. ნუ თუ ივერი
მისვან ვეროდეს მოსვენებულა?!.
«არა»... შემოკრებს ქართველთ მხედ-
რობა!!

სიბერის ჟამსა ავათროლეზ ხელს
და საბოლოოდ დასამარცხებლად
სპარსთა სამეფოს თავს დავატებ მეხს,
რომ მათ სიავეს და ძლიერებობას
საშვილიშვილოდ მივღოს ბოლო
და შემდგომსა დროს არ განიცდიდეს
სპარსეთთან ბრძოლას ჩემი სამეფო!!
ამ ფიქრში იყო ირაკლი ოდეს
ეახლა თავად გურამიშვილი,
მეფის ნათლული დიდი გიორგი
თავდადებული მამულიშვილი.
და როს იხილა იგი მღუმარედ
შემოტრიალდა და გასვლას გარეთ
ნელის ნაბიჯით დააპირებდა;
მაგრამ შეუტყო მეფემ განზრახვა,
შეაჩერა და ვით მეომართან
სპარსეთთან ომზე იქ თათფირებდა.

მეფე.

იცი გიორგი რომ სპარსთა მეფე
საქართველოზედ მოდის საომრად,-

დიდი ლაშქარი შეუკრებია,
მოეშურება გულდაგულ ჩქარად?

გიორგი.

პირველად ესმის მეფევი ეგ ჩემს ყურს,
მე ეგ ამბავი თითქოს არ მჯერა;-
წინეთ ამბობდენ თქვენს მეგობრობას
და ეხლა რისთვის გადაგმეტრა?

მეფე.

მეც ძლიერ მიკვირს.-ელჩმა მიამბო
რუსთან კავშირი მეტად სწყენია

გიორგი.

თვით შაჰის ელჩმა?

მეფე.

ღიახ შაჰისამ.
თვით ვინახულე პირისპირ იგი
და მოვეუსმინე გაოცებულმა.

გიორგი.

ვითომ რათა სწყინს რუსთან კავშირი?

მეფე.

არ ვიცი. ვფიქრობ. ვერ გამიგია.
ნუ თუ რუსეთთან დამეგობრება
მისთვის იქნება მტრობა და ჭირი?!

გიორგი.

სწორედ მას ფიქრობს და არც შემ-
ულარა;

ალა-მამად-ხან გონიერია, —
შენის თანხმობით მას მიაწვება
რუსი და შაჰიც მეცნიერია,
რომ არ დაინდობს რუსი არავის...
მე ვეკობ. რომ თქვენც მეფევი ძლიერო,
რომ გაგიტანოს რუსთ მეფობამა!!.

მეფე.

ეჰ ჩემთვის რაღა საეჭველია,
რომ მეზობელი და ერთ მორწმუნე
ძმობას გამოწვევს და მეგობრობას!!.

გიორგი.

ნამდვილ არ იშლის შაჰ-წამოსვლას

მეფე.

თუ არ დავიქერ რუსეთთან კავშირს
მაშინ არ მოდის და სადასტუროდ
მძვევალს თხოვილობს ალა-მამად-ხან.

გიორგი.

მერე რას ფიქრობ ჩემო ხელმწიფევი?

მეფე.

რაღა ვიფიქრო? ნუთუ ხოჯა შაჰს
მძვევალს მიაბრძოლებს ივერა მეფევი! —
ამ ჩემს განზრახვას აღემატება,
როგორ დამდაბლდეს ასე ერეკლევი?

გიორგი.

კი მაგრამ იქნებ ისე სჯობია,
რომ მეგობრული მივსცეთ პასუხი
და ავაშოროთ მით ჩვენს სამეფოს
იმათი რისხვა და მათი სუსხი...
ლაშქარი ვიცი დიდი ექნება ..

მეფე.

რაც უნდა ჰყავდეს, თავს არ მოვიხრი —
ოთხმოცი ათას შევპყრი მეც ლაშქარს
დი ვაგრძნობინებ ალა მამად-ხანს
თუ რა ძალა აქვს ქარაველების მკლავს!!
თავისას ვიცი მაინც არ მოშლის —
მათგან ერეკლე გამოცდილია
ლიხ-იმერეთი შემოვადერთე
ქორ-ბელაქანიც შეფიცულია
ჩემს ერთგულებას და მორჩილებას...
შეერთებული ქართველთა ძალა
დაამხობს დაღმა სპარსელთ ურჩობას
და შემდეგ უფრო ჩქარი ნაბიჯით
იწყებს ივერი აღორძინებას.
ამ მოსაზრებით გადაჭრილი მაქვს
სიკვდილ-სიცოცხლის გაქართო ომი,
ივერთ მხედრობა მივეუსიო მათ

როგორც ნადირსა მშვიტი ლომი
და საბოლოოდ მოვრჩე მათ საქმეს...

გიორგი.

კი მაგრამ უფრო ძნელად რომ დარჩეს
მძლავრ მტერთან ურჩი ფეხის გადადგმა?

მკაფე.

რაც იქნეს, იქნეს!!.

გიორგი.

მაშ კარგი, მაგრამ ჰკითხე დიდებულთ,
ვნახოთ ისინი თუ რას იტყვიან!!.

IV

მეფეს არ სძინავს. მის საგონებელს
შეადგენს შაჰის პასუხის გება,
როგორის ხერხით და საშვალეებით
დასაჯოს სპარსთა დიდი ურჩება.

არც დედოფალი და არც სასახლე
არ თანაუგრძნობს მეფის განზრახვას,
მაგრამ არ იშლის ზვიადი მეფე,—
ვერ იმორჩილებს თავის გულისთქმას...
და სათათბიროთ ქართველთ დიდებულთ
იბარებს, რომ სცნოს თუ რას იტყვიან,
ხელს აიღებენ სპარსეთთან ომზე
თუ თავის ბატონს ეთანხმებიან?!

შემოკრბენ ერთად სამეფო გვარის
რჩეული, ბრძენი შთამომავლობა
და მათთან ერთად მუხრან ბატონი,
ომში გაწვრთილნი სხვაც დიდ კაცობა.
რა მოისმინეს მეფის განზრახვა
და გვირგვინოსნის სიტყვა ლიტონი,
მაშინ წარსდგა წინ იმ კრებულიდგან
დიდი ივანე მუხრან ბატონი
და მოახსენა ლაღს, დიდგულს მეფეს:
-ქართველი ქართულს ხრამალს არ შეარ-
ცხვენს,

არ მოუხრია მტრის წინ მას ქედი...
ვინ იცის ბედი მას რას შეამთხვევს!
თუმც თქვენი მეფევე! გვაქვს ჩვენ იმედი.—
მაგრამ მტრის ძალას რათ გაუმკლავდეს
თუმც გმირი, მაგრამ პატარა ერი;

ბრძოლით დაღლილი დღესაც შეგბმის
ალა-მამად-ხანს შენი ივერი?!

საიბედლით ფეხს ნუ გადავდგამთ,
ვიანგარიშით ჯერ ჩვენი ძალა
და არ მოვეშვათ ჩვენს წასალეკად
აზვირთებული სპარსეთის ტალღა.

-ეგ რჩევა მეტად გონიერია
ბრძანა ბატონმა, და ახლა ჩემსას,
თუ როგორ დავხვედეთ მოტოვებულს
მტერს,

ვიტყვი გულის თქმას და მოსაზრებას:
შეერთებული საქართველოდგან
შევკრებ მე ლაშქარს ოთხმოცი ათასს,
რუსის ხელმწიფეც გამომიგზავნის
ორ ათას მხედარს და ექვს ზარბაზანს.
ასეთის ჯარით ალა-მამად-ხანს
შემოვიტყუებ ნელად სოღალურს
და დავანახებ ჩემი მხედრობა
როგორ ერჩის მტერს, რა ძლიერად ქუხს!!
მე მსურს ამაყი ალა-მამად-ხან

ცოცხლად ჩავიგდო ვერაგი ხელში
სახე ვაჩვენო, რომ მის შემკვიდრე
ომს ვერ ბედავდეს ჩვენთან მის დღეში
და მოისვენოს ერთის მხრით მიინც
მრავალ-ტანჯულმა ჩემმა სამეფომ...
-ეგ კარგი მაგრამ იმოდენ ლაშქარს
რომ შემოიკრებ უეჭველად გრწამს,
რომ განსაცდელში არ ჩავარდეთ ჩვენ
საბედისწერო, მწარე ომის ეამს?!

— უეჭველია და შიკრიკებმაც
დამარწმუნეს მე მასში ყოვლის მხრით,—
მეფე სოლომონ მხნე ჯარს მოუძღვის
აქ მოსაყენად ლიხ-იმერეთით!!

— ზარბაზნები გვაქვს რომ მისის ცეცხლით
მოსულ სპარსელებს ვუთენოთ კირი?

— ოცი მზათა მაქვს და მათ მომართავს
რიგზე გიორგი გურამიშვილი.

მაშ კარგი მეფევე, შევეუდგეთ საქმეს,
ნუ დავაყოვნებთ ამისთვის დრო-ეამს;
ან სულ გავსწყდებით, ან ცოცხლად შეკ-
რულს

თქვენ ჩაგაბარებთ ალა მამად-ხანს!..
„ამინ“ იფიქლეს... ყველას სახეზე
ომის წყურვილმა დაიწყო ელვა ..

„ძღვეა ჩვენს მეფეს“ და ამის თქმაზე თავის სამზადისს შეუდგა ყველა.

რ. ხუნდაძე.

(შემდეგი იქნება).

წერილი რედაქციის მიმართ.

ბ. რედაქტორო!

გაზეთ ეშმაკის მათრახის 8 № ში. კიათურის ეშმაკის სააგენტოს მწევრს ბ. ვიცე ზუბრს დაუწერია რომ ვითომ თავისთავათ გაკეთებული ჩემი სახლების დაწვის ზარალის 15 ათასი მანეთი ამიღია და ისევ ხალხს ვუბრუნებ. ეს ეშმაკის სააგენტოს მწევრს სწორეთ ეშმაკურათ გაუგია, თორემ ასე-კი არ გახლავთ ბ. „ვიცეზუბრო“ აი ასე გახლავსთ.

მე როცა კონსტანტინე პოლში გავიგე ჩემი სახლების დაწვა, იმ დღესვე ქ. ქუთაისის გუბერნატორს თხოვნა მივართვი, რომ ჩემი სახლების დაწვის ზარალს ხალხს ნურაფერს გადაახდევინებთქო, და ნურც დამნაშავეს მოსთხოვთ თქო, რადგან მე კარგათ ვიცი ხალხი საერთოთ ჩემი სახლების დაწვას არ მოისურვებდათქო, მხოლოდ ეს ისევ იმ ორიოდე მაწანწალასაგან იქნება, ვინც პირადი მისი სარგებლობისთვის, სრულიად უდანაშაულოდ მე სასიკვდილოთ გამოიმეტათქო; ამისთვის მე ვთხოვე გუბერნატორს მოგხვმარებოდა მე და გლვებებს, და საგლვხო ბანკის საშვალეებით ჩემი უძრავი მამულები საღავათიან ფასებსა და პირობებში შეიყიდნათ გლვებებს, რომ მეც მითი ცხოვრება შემძლებოდა. მაგრამ ეს ჩემი თხოვნა უყურადღებოთ დარჩა და ისევ უკან დამიბრუნეს, რომელსაც ამასთანავე თქვენს რედაქციაში წარმოვადგენ.

ეს გუბერნატორის განკარგულებით აკრეფილი 15 ათასი მანეთი, როგორც შტრაფათ აკრეფილი ფული, ისე შერი-

ცხეს ხაზინაში, რომელიც დღესაც იქ გახლავსთ.

მე როცა ნახე რომ გლვებებს ჩემი მამულის შეყიდვა არ შეუძლიათ ასეთ უფულობის დროს, და ის ფულიც ტყუილათ იკარგება, არ დავმალავ ყველგან ვიმაცადინე და ემაცადინობ, რომ მამცენ ის ფული, და თუ გამართლდა თქვენი ოცნება ბ.ვიცე ზუბრო „დარწმუნდით რასაც ავიღებ. იქიდან ჩემ თავსაც ვარგებ, და ჩვენ ხალხსაც, ეს ჩვეულება რომ ყოველთვის მქონია და მაქვს ამაზე ეშმაკები არან, და ანგელოზები კი დამემოწმებიან. თქვენ კი გირჩევთ ბ. ვიცე „ზუბრო,“ რომ, რაც თქვენ ნამდვილი ქეშმარიტება არ იცოდეთ, უბრალოდ ცილს ნურავის დასწამებთ, და ნურც უცხო სახელს უწოდებთ მაგალითათ, როგორც ჩემთვის გიწოდებიათ ვიცეზუბრი“ და აი რადგან არ ვიცი, ვინ ბრძანდებით, მეც ამ უცხო სახელის წოდებით ვესაუბრებით; შეიძლება შეუფერებელი რამეც იყოს, მაგრამ მე ქართულის მეტი სხვა ენები არ მესმის, და ასეთი სიტყვა კი პატიოსან ქართველებში არსა გამიგონია, და თუ შეცდომა რამეა, ისევ ბრალო თქვენზე რჩება

ვლ. ჯ. წერეთელი.



რედაქტორი, მღვდელი სიმონ მჟავლიძე.
გამომცემელი იოსებ ლეჟავა.